



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

CARDINALITIIS DISPUTATIONIBUS,
*manè discutienda in Scholis Medicorum, die Jovis tertiâ mensis
Aprilis, anno Domini M. DCC. LXXXIII.*

M^o. JOANNE-BAPTISTA LANGLOIS,
M^{ri}. CAROLI-LUDOVICI-FANCISCI ANDRY, vices gerente,
Doctore Medico, Præside.

An inter edendum Ostrea, Meri potus?

I.

ALIMENTA jucundè coquat & facilè ventriculus, malè verò sit
alicui machinæ parti, inauditum hætenus, imò impossibile. Ca-
veant ergò Membrorum singula ne alacritatis suæ fontem, aut pigritiæ,

* Propugnata 29 Aprilis 1743 à M. POURFOUR DU PETIT, nunc Decano, Thesos Authore.

aut turpis inertiae redarguant nisi iterum hebetari, languere, deteri malint. Videant sedulo ut ei ministrent quæ sunt levioris operæ. Ast ut in morbis qualibuscumque, duo ex omni parte similes fortasse nunquam visi sunt, ita & ventriculi duo qui iisdem alimentis æqualiter recreentur nusquam fortasse fuerunt nec unquam futuri sunt. Hinc patet quanti sit momenti singulorum veram indolem dignoscere: discriminari sedulo quæ hunc quæ illum juvent. Sive igitur esculentum, sive potulentum, sive utrumque simul credis ventriculo, ea selige quæ facile coquantur, & cocta valetudinem servent aut paulisper deviam revocent.

I I.

SCITO primum quo sis stomacho. Dein nosce alimenta quibus vesci debes. Si laxiores ventriculi fibræ, iis utere alimentis quæ illarum tonum non nihil excitare valeant; si rigidiore, iis indulge quæ relaxare possint; si uberius succi gastrici copia siccioraingere. Si parcius, ea selige quæ arte aut à naturâ sint ita condita, ut facile possis jacturam refarcire. Neque ex iis esto qui modo palato arrideant, quæ sumunt parum curant utrum nocitura sint. Serva modum in omnibus. Edis Ostrea? Gratum equidem & salubre ut plurimum esculentum. At quod gratius Ostreum, eò periculosior esca si temerè deglutiatur. Jam verò quam multi sint qui inter edendum Ostrea gravissimi peccent? Noverit quicumque sciet neminem fere esse qui ea vel nimiam quantitatem non voraret aut non jungat esculentis aliquibus potulentisque quorum præsentiam quicquid boni deperdunt omnino Ostrea.

I I I.

UBI de morbis vel gravioribus agitur, fingit se Medicum quivis: Ast utinam hominum unusquisque satis medicinam calleret ut noscat in victu utilibus litare, noxia verò devitare. Alis non adeo perniciosus mors advolaret: cum autem angustis nimium limitibus circumscripta sit illorum, si veros Medicos excipias, scientia, statui potest regula quædam generalis juxta quam turpiter minus errent. Verbi gratia, non nocet, & quidem fatemur, omni stomacho vel meri potus cum Ostreis, qui nimirum à Naturâ sunt ita parati ut quæcunque vorant coquant facile hi merè bibant, per nos licet, quanquam tamen concludi nullatenus possit eosdem ad partem meliorem se convertisse in eo quod à tali potu nihil passi sint incommodi. Quin imò non unâ ratione probaretur illos plurima neglexisse commoda quæ certo-certiùs in eos redundabunt qui aquam largo latice haurient. Et verò.

I V.

QUÆCUMQUE induuntur ventriculo, vel ab eo plurimum succi expetunt ut coquantur, vel partim secum ferunt quæ ad *digestionem* necessaria sunt, vel tandem aliquo egent ut ita dicam intermedio, quo juvante perficiatur opus. Primo in casu totum pondus fert machina, hinc languescit: in secundo fere otiaur, hinc alacritas: in ultimo tandem levem molitur operam, hinc securitas. Porro quid mero cum Ostreis in ventriculo qualicumque? Sollicitabit fibras, quo uberius fluant succi digestivi. At primo huic operi perficiendo impar omninò merum. Quin immò potius urit quam stimulat; hinc sterelitas non abundantia. Verum instas, saltem in ordine ad illos qui turgent talibus succis. Ab epoto mero salus. Minimè gentium. Vide quid singulis in casibus merum exerceat in ventriculum, & eo adduci te fines ut credas, illud non minus juris habere in Ostrea. Quod quidem millies repetitâ experienciâ comprobatum patebit. Nempè ad nos usque ab inferioris Normanniæ plagis deferuntur Ostrea vino ut plurimum albo, succo citri, pipere, caryophyllis odoratis aliisque id genus aromatis condita, extùs crispata, intùs vero corii instar dentibus teri difficillima, inimica stomacho & à quocumque homine sano veneni instar rejicienda. Undenam quæso, tam turpis illa mutatio? Sciscitare, nobis in promptu est respondere. Secundo, non larga adeò succi digestivi copia eget Ostreum ut in chylum vertatur; fert secum quodcunque in talibus requiritur. Huic ergo junge non auxilium sed vehiculum quod ex se nihil boni aut mali possit operari, tunc & gratum palato, & corpori salubre pabulum obtinueris.

V.

QUISQUIS Ostrea sanus degustasti, attende ad ea quæ in palato excitavere: quisquis Rheumate labefactatus saltem absente febre ea deglutisti, fateare quodnam ex indè hauseris commodi. Sic enim sunt à natura condita ut sale suo dulci alkalino appetitum omninò prostratum excitare valeant; adde quod donentur bitumine quodam mediante prædicto sale soluto & millies digesto, quo ipsa penetrantur & ferè percoquantur. Hinc vi summâ dividendi, incidendi, attenuandi & sputa, urinasque eliciendi gaudent. Hinc quantæ sint energiæ centum in morbis conclude:

nec super Ostrea extollas remedium illud nuper à longinquo ad nos usque adsportatum quo Phytici exsuscitantur. Alioquin artem naturæ antepones prodat hoc cum illa latent, non reluctamur. At noli tot dotes mero aliisve liquoribus spirituosus deturpare, nisi malis servire gulæ quam valetudini consulere.

Non ergò inter edendum Ostrea, Meri potus.

Proponebat Parisiis, JOANNES-JOSEPHUS GILLE, Leodienfis
Saluberrimæ Facultatis Medicinæ Parisiensis Baccalaureus,
A. R. S. H. 1783. AB OCTAVA AD MERIDIEM,



Typis QUILLAV, Saluberrimæ Facultatis Medicinæ Typographi 1783.